

續修四庫全書

《續修四庫全書》編纂委員會編

續修四庫全書

上海古籍出版社

一四二六・集部・別集類

尹文端公詩集十卷

〔清〕尹繼善撰

道古堂文集四十八卷

道古堂詩集二十六卷
集外文一卷
集外詩一卷
（文集卷一至卷四十八）

〔清〕杭世駿撰

夫無形者功德有象者詩書易泐者鼎鐘朽者竹素
是以八伯渺矣而朱干苓落之音傳三象世矣而輿山
零雨之篇著上有文思之后下有文命之臣凡以喜起
皇風軒轅帝載非偶然也我

朝尹文端公以鈞河撻洛之才贊堯醲舜熏之化言敷
形管早穆清風墨灑黃麻便成甘雨其功見于天下其
草焚于篋中辰告訏謨有

國史在非枚所敢知也若夫四始源流五際聲韻心乎
愛矣情在于斯偷三接之光陰廣資省覽分九霄之聲

春

欽潤色風花當其卷阿從遊柏梁應制凌雲賦而人主
驚老鳳鳴而百鳥息對天揮筆晝日成章方知從古臯
夔原稱才子于今燕許尚有風人他若擁旄憑弔之場
三邊盡歷駐馬謳吟之地五嶽平看金石流其聲江山
壯其采讀公詩者疑其生知敏性不假鍾鑪者乎而不
知又非也公功高百辟志在三餘督八州而適然吟七
字而自喜其精思也如其謀國其巽入也如其擾氓其
綿歷也如其測交其矜嚴也如其獎吏而且纂言則油
素書之愛士則傾衿禮之故能宣揚八風不差累黍吞

春

吐四瀆無納細流行間消蹈厲之心言外得中和之氣
較彼經生尚多孤詣就論風雅已壑羣公近今已來歎
觀止矣枚卅年隅坐由也升堂一日山頽吾將安仰猶
憶鼓角臨江之日牙旗卷雪之天張設肴烝為賞休文
之二句留連羣屐蒙呼王儉之三公黜瑟方希牙琴又
奏負牆請退刻燭重添軍門沈漏而不知燕寢橫箋而
忘倦孔子曰好之者不如樂之者其公之謂乎然而王
筠喜押強韻讓天下以先楊綰或不示人懼知音之少
今者大星已隕餘光尚耿于天小子幸存斯文敢墜于

地望九原之人遠慮二雅之道淹用是編集遺文都為
十卷雖問字元亭無復春風之座而尋琴海上依稀流
水之聲知我一生報公千古鳴乎錢塘門人袁枚

尹文端公詩集目錄

卷第一

古今體詩一百五十四首

卷第二

古今體詩一百四十六首

卷第三

古今體詩一百二十四首

卷第四

古今體詩一百九十二首

尹文端公詩集目錄

卷第五

古今體詩一百六十二首

卷第六

古今體詩一百九十八首

卷第七

古今體詩二百首

卷第八

古今體詩一百七十四首

卷第九

卷第十

古今體詩一百九十首

古今體詩二百一十五首

尹文端公詩集目錄

尹文端公詩集卷第一

章佳尹繼善元



池上吟

豔艷十畝池誰從此地開灼灼千藕花誰向池中栽前有主人翁疏鑿自草萊臨流築水榭高閣接平臺當花盛放時宴賞日夜催嘉果陳玉盤旨酒盈金壘歌聲遏行雲燈光爛水隈更有如花人蕩槳爭溯洄此樂固云極未免釀禍胎轉眼繁華處掃迹成塵埃斷橋任欹側殘屋任傾頽惟有芙蓉紅依然似錦堆但見亭亭舞不

尹文端公詩集

卷一

一

聞步步來昔日種花人意豈在花哉今日看花人轉為花生哀寂寞荒池畔無人更舉杯

同王卓人夏夜小飲

相聚原非偶交情久益真暫為花下客同作酒中人談劇風生座觴飛月滿身莫愁瓶易盡冰雪甕頭新冰雪酒名密雲猶帶雨鬱氣晚來收半醉能消暑微涼欲入秋花連隔院竹樹暗近窓樓說到遼陽事十年憶舊遊十年與卓人訂交遼海

和張來軒風雨近重陽韻

風雨近重陽登高咏瘴鄉寒雲連浦白晚稻遍山黃秋色花深淺離思路短長海天酬唱處落葉點方塘風雨近重陽高歌莫望鄉頭從未老白花自到秋黃日暮鴉聲亂天空雁陣長新詩開笑口吟步小山塘

望太華山

滇南山多平地少一看太華山盡小俯臨金碧帶昆池峰頭不斷雲縹緲笑我南來兩度春春花秋月幾番新眼底風光無限好年季領畧屬閒人記因祈禱向山路忙中林壑不知數雲生石畔雨如飛四野瀾漫盡烟霧

尹文端公詩集

卷一

二

惆悵仙源水亂流依稀恍似夢中遊嶙峋體態未曾識神魂鎮日長悠悠清波倒映列屏障翠壁層巒分下上何朝古寺樹參差半在斜陽山背向緣知遠眺有奇觀不似攀躋步步難身入易迷真面目世事應從局外看仲冬既望同人讌集太華山和吳韻菴學使韻

華峯聳峙絕塵俗出岫閒雲偶相逐公餘載酒約同遊繞徑穿林馬蹄速年豐冬氣喜晴和腹鼓歌聲遍茅屋峻嶒怪石雜叢篁百尺長松風謏謏登臨一覽衆山低繞識匡廬真面目烟波恍似水雲鄉夾岸楓林紅錦簇

更同携手上層樓萬里乾坤展畫軸西南烽火靖邊陲
北望燕雲憶輦轂銜杯盡日竟君歡異姓天涯皆骨肉
艱難民事共關心豈為遨遊炫車服勝會良辰到處多
應思憂樂分同獨歸去何時擬再來空留明月懸山麓

題學使吳穎菴新成書室

斗室初成處偏東一院斜當窓新竹子繞屋老梅花明
月開三徑春雲近五華莫嫌結構小好景有些些
盡道官齋冷誰知宦味閒林園藏屋裏桃柳盛春間水
靜門臨海風清座對山招尋看不厭歸騎每遲還

尹文端公詩集

卷一

三

集法界寺用禪房花水深為韻和穎菴吳學使

喜值春歸時桃李花爭妍尋幽向山洞步步入春烟石
磴盤雲上松梢信手攀青籐纏絕壁小麥遍梯田浮生
閒片刻誤却老僧禪

節序何時佳四野啟青陽仙源流洞口石乳垂山房春
風自南來生意滿巖疆細雨正霏霏大有占農祥龍湫
一水隔登頓褰衣裳

小院一樽設殘梅尚留花酒人多半醉雜樹香交加暫
可遠塵俗敢云愛煙霞綠竹誰培植蔓草費搜爬漫將

此中趣輕向勞人誇

勝地屢追陪幽林到華轍爾我兩忘形推心每置腹喜
得年歲豐長享太平福歌咏遍溪山清光被草木登臨

日已西歸鞭促僮僕

天涯偶聚首難得是知心古人秉燭遊所惜在光陰白

雲出岫遠歸鳥入林深及時不行樂過隙馳駸駸對月

吟君詩清風吹我襟

送張少儀南歸兼赴北闈鄉試

共將樽酒唱離歌離歌偏我歌時別恨多無限心情隨去馬

尹文端公詩集

卷一

南

知君回首更如何

此去家山萬里餘歸途正值暮春初縱云風景江南好
絕壑奇峯恐不如

春光驛路正晴明石磴紆迴取次行重過飛雲仙洞口

新詩吟處亂山橫

遙天極目送征鴻萍水還期異日逢江樹依依人漸遠

孤舟帆影洞庭東

臨別重傾酒一杯人人盡為祝元魁功名我道尋常事

且慰慈親盼子回

幾年飄泊少年行楊柳深閨日日情待得歸來同夢穩
秋風前路又催程

陪倪子珍侍御張南華太史兩主試遊近華浦
久矣無心事覽遊黃花又過一年秋不因此日陪仙侶
那得偷閒上小舟

家近西湖與太湖漁村野寺繞菰蒲華峰山色昆明水
也有蘇杭意境無

浮生聚散想前因夢兆何須問假真張太史曾有來滇夢兆應笑
此來還是夢銜杯且作酒中人

尹文端公詩集

卷一

五

萬里雲程再到難登樓極目海天寬不知金碧重重勝
可許攀留次第看

疊前韻贈吳穎菴學使

萬里三年共宦遊重陽過去又殘秋依然風雨聯吟日
淺水還同一葉舟去秋有風雨近重陽唱和

約畧風光擬鏡湖蒹葭歷歷雜芙蓉蒲冰心一片清於水
萬頃波澄得似無

萍踪去住豈無因於我浮雲莫認真此日逢場開笑口
登臨來歲更何人

觀海方知衆水難一時眼界喜同寬堤連古寺汀洲冷
好趁斜陽帶醉看

和張南華太史遊近華浦

雨歇寒流亂野蹊晴雲遙指碧峯西無波不覺扁舟小
短纜徐牽過柳堤

遍地西成眼乍明農歌聲裏午風清年豐自有田家樂
莫認兒童竹馬迎

一望高低盡海田今秋收穫倍常年秧雞莢笋爭技送
笑說農家味更鮮

尹文端公詩集

卷一

六

落葉蕭蕭拂面飛韶光轉眼已全非披裘尚覺寒侵骨
野老人多未授衣

婦子嬉嬉列短塢嘉禾掀載滿漁船自來邊地農桑貴
綠柳黃花不值錢

萬頃昆池萬疊山澄波倒影照雲鬟華峰削出芙蓉面
仰止心殷未許攀

流水無心解送迎湖邊置酒趁初晴塵機到此都消盡
惟有清風樹上聲

曲曲迴廊徑轉幽風帆過影遠來舟烟波更有幽深處

坐看游魚共泛鷗亭有烟波深處又名盟鷗

縱目軒窓遍十洲欲窮千里又登樓倚欄不敢頻回首

東北蠻烟未盡收

人醉詩成罷詠觴舟迴水面晚風涼揚帆漸覺湖光遠

一路寒山翠夕陽

羣峰拱向五華開指點長松天半栽佛手香中人笑語

風吹孤月自東來

清光如畫豁雙眸難得同心夜泛舟好景分明看不盡

此行誰說夢中遊

尹文端公詩集

卷十

七

立冬日同吳穎菴學使過訪倪子珍張南華和子

珍即事韻

不見剛三日招尋雨霽初催詩酬華浦穎菴催遊近華浦和章憶

舊話匡廬圖按千山路閱點省與圖箋摹兩晉書子孫善書清齋

忘坐久心緒一時舒

暫得驅塵慮呼朋數往來豈惟親遠客直是愛多才落

日秋將盡殘花冷自開同心應戀戀歸計故遲迴

疊前韻贈別子珍南華

霜風寒古驛攬轡正冬初別緒持杯酒歸心憶直廬頻

揮遊子淚重寄故園書轉眼天南北行雲任卷舒

莫悵崎嶇路何曾負此來看山留好句報國得真才馬

踏蠻雲遠梅迎使節開亂峯殘照裏首應幾番迴

重陽前一日張觀臣撫軍招同孫端人學使陪王

次山編修鍾仲恒侍御登高次端人韻

人世難逢笑口開知心是處喜追陪東園一入花迎客

暮雨初晴月滿杯漫說三秋都落葉何須九日始登臺

興公麗句饒清賞屬和慚非白雪才

送五華書院掌教浦二田顧右卿歸江南

尹文端公詩集

卷十

八

長歌送遠行河東秋已暮嶺上多蠻雲人踏蠻雲去未

黍過梯田黃葉落村樹晚風野鳥鳴斜日寒江渡一片

故鄉心滿目湖山趣思君無盡期逢君更何處江南我

舊遊清夢隨歸路

孫端人學使重陽招飲有懷去歲張南華倪子珍

吳穎菴華浦之遊次端人即席韻

記得年前事同心醉綺筵也逢重九日共賞菊花天古

寺吟殘雨昆池盪小船新知與舊好撫景意悠然

官舍山光裏風清似野坳秋明孤嶺月寒浸一池星華

浦追前夢瀛洲憶舊亭殷勤留客意莫放酒杯停

用前韻送王次山鍾仲恒還京

重關頻送客帶雨出郊坰使節雲隨馬歸鞭袖拂星亂
山高下路離思短長亭想過留題處聯吟又暫停

又次孫端人韻送別王次山鍾仲恒

金汁江頭雨未收行人欲別意還留離觴共勸他鄉酒
落葉初飛滿路秋一顧空羣傳冀北萬山何處憶蠻州
知心自是難分手況值天涯久宦遊

孫端人以詩見寄依韻和之

尹文端公詩集

卷一

九

鈴閣風和正入春韶光曾記一園新傳杯共作花間客
秉燭爭看畫裏人壁間有美人圖勝地幾回陪笑語良朋自古

嘆參辰溪山處處供吟賞盼寄詩箋莫厭頻凝香草堂即事

賴有同心興不孤招攜共醉步兵厨素聞歡飲原稱伯

近得花名又號姑端人新納姬射圃開樽催畫鼓歸鞍覓句

附奚奴自來皓月添清賞况是春宵忍暫辜上元醉後

培遠堂前又舉觴沿池草木占春陽隔窓鼓急籌偏到

繞座花飛酒益香四野笙歌喧月色萬家燈火闌星光

華筵未散吟先就並訝詩才有別腸方伯署中識集

一望嶙峋杳靄間公餘誰得暫偷閒景行時切高山意

魂夢仍迷近浦灣寺放春花迎遠客雲隨使節度寒闌

日來亦有尋芳約翠壁留題句莫刪碧雞寺

一治天開漾碧痕人傳砂氣有靈根香風淨拂煩襟散

靈液徐熏病骨溫千古華清流韻事三年瘴海隔仙源

羨君後到先遊覽醉石橫陳信手捫天下第一湯

螳川泛舟

嫩柳青青夾岸頭無邊景色豁雙眸春風十里螳川路
淺水輕搖一葉舟

尹文端公詩集

卷一

十

湯泉

百道泉從石罅生大池流灌小池平憑人夜濯無渣滓

一片玻璃澈底清

緩步頻過數里餘坐來山寺上燈初自知筋骨原無恙

惟有塵勞借洗除

引勝山房

門枕螳螂水一灣亭臺半在水聲間到來頓覺塵寰遠

四面平看屋裏山

偕樂亭

勝地何人數往來攝衣攀葛幕登臺眼前民事方艱苦
未敢臨風獨舉杯

曹溪寺

萬松深處足行遊野寺東西水亂流更上高峰尋古蹟
老僧指點白雲頭

珍珠泉

人傳此水千年寶我愛能澆百頃田待得秋來山稻熟
盈倉粒粒似珠圓

傍花樓

尹文端公詩集

卷一

士

青藤盤壁竹成笆策杖徐穿小徑斜日夕登樓明遠目

四山無處不開花

護花山房

怪石嶙峋卧古枝珠泉旁引細通池眼前物物饒生意
不獨名花要護持

雲濤寺

何處濤聲起暮寒雲深古剎隱層巒優曇樹外松千本
好趁斜陽駐馬看

桃源可問

峭壁危巖曲曲通仙山無面不玲瓏幾回欲問桃源路
笑我塵凡念未空

在滇持節五載奉

命入覲喜別同事用上平韻得十五首
人生宦跡似飄蓬于我行雲過太空就日喜傳消息早
寸心飛向萬山中

一門榮遇古難逢愧乏新猷獻

九重只報今年禾稼稔滿田澍雨樂村農

南天任重豈能扛頗有同舟濟瘴江幾載軍書勞夢寢

尹文端公詩集

卷一

士

寒燈夜雨倚松窓

齊名倚松書屋

雖說西成預可期心魂尚在未安時

滇省去歲歉收

不因民事

相關切肯待秋深攬轡游

鹿鹿風塵已倦飛壯心半與素心違艱辛閱歷天涯遍

一枕黃梁是也非

奉養頻年子舍虛承歡今在小春餘他鄉尚未登程日

早是依閭盼子初

駿馬烏蒙近已無剩將駕鈍佐馳驅也知萬里橫行好

不若舒徐赴坦途

鳥道巉巖一剪齊歸途步步是雲梯自憐曾作攀援客
重過桃源徑不迷

夷方生計費安排憂樂原期事事偕撫字多年慚小補
臨行何處不牽懷

四時無日不花開選得新枝手自栽借語同心須愛惜
春風未必不重來

交情久暫悉前因去聚何須感舊新歲歲重關頻送客
而今我亦作行人

河梁執手意殷勤共把離杯悵白雲只願年豐百事少

尹文端公詩集

卷一

七

平安兩字好倚聞

異日重逢那可論驪歌一唱黯消魂臨歧不作沾巾態
努力勤民是贈言

萬里休嗟行路難歸鞍回望海天寬華峰近浦同遊處
楓葉蘆花望裏看

收拾詩筒伴我還閒情一路咏蠻山相思此後知何地
多在荒村曉月間

臨行再別滇南用下平韻復得十五首

良辰勝事想從前客裏光陰去杳然留與他年記鴻爪

細將班管紀蠻天

習習和風拂柳條沿村婦子走相招勸農幾載蟠江路
布穀聲中過小橋

猶記春當二月交尋芳帶雨出西郊山蹊緩步歸鞭晚
得得新詩馬上敲

綠玉杯分飲興豪九龍池畔憶登高眼前又近黃花節
驛路誰同酒盞挑

醒醉磯邊勝蹟多一灣碧玉沸清波安寧湯池名碧玉泉旁有醒石醉石
櫓聲謳軋春風緩十里螳川我舊過

尹文端公詩集

卷一

七

曾入仙源小徑斜參差隔岸有漁家重尋洞口知何日
寂寞空山自落花

大觀樓外滿湖光四面芙蓉繞繞座香曲曲迴廊通別浦
烟波深處最難忘近華浦有大觀樓烟波深處

太華山前綠水平昆明池上白雲橫無心雲水常如此
不解人間有送迎

亂草奇葩一色青多年結搆好園亭分明異種天生就
縱遇嚴霜不葉零

海天舊閣喜頻登

署有海閣

臺閣重修我未能只有小山

成簣土邱陵異日待人增

漫將吟興續前游去矣倥偬挽不留望雨祈晴還在念

臨行重上與春樓樓名

多情僚友共招尋綠酒頻傾夜淺深握手丁寧無別語

始終一片古人心

回頭祖餞憶江南浦口汀洲我舊諳壬子冬自江南入都此日離

情相似否較前霜鬢已盤髻

世味酸辛亦久厭那堪別恨又重添他年莫忘分攜處

夕照秋山萬點尖

尹文端公詩集 卷一

五

牂牁東下盡欵品無限雲飛繞去颿珍重一身前路遠

不教瘴雨染征衫

和孫端人學使贈別韻

歸心早已到

神京敢望朝

天荷寵榮旅店寒燈遊子夢離歌別酒故人情如梯路

向山頭轉似墨雲從簷底生記得分攜何處所楊林海

畔曉風清

蟬聲響送萬山秋歸思催人馬不留驛路連朝衝瘴雨

蠻鄉到處宿高樓披圖敢忘賢臣頌端人書賢臣頌見贈載道還

聽士子謳時曲請試回首天南勞望眼亂峯重疊暮雲

浮

耕籍詩十二章

正歲新年閱上辛農祥有兆自元辰青鸞銜出躬耕

詔玉琯融風滿

帝闈

雲罽星旂簇仗齊

齋宮筆屹峙壇西

尹文端公詩集 卷一

六

一人親夙蒼龍駕萬戶春聲聽曉雞

黍稷馨惟明德馨知時好雨驗從星清塵細灑千門迴

夾道榆楊盡放青

溪樹鳴鳩勸荷鋤

金根繹繹映農車公田曙色分方野正是幽風入畫初

田功自古重人時暑雨祁寒軫怨咨此日

朱紘親秉耒艱難稼穡是真知

紉轅千畝駐輕煙耳聽司農贊進鞭父老渾忘簞笠賤

扶犁恭導

聖躬前

維耦加推數更優春陰敷綠滿平疇民間作苦親嘗徧
犁犢還驅未肯收

布穀聲中復間歌詞成三十六嘉禾陽回寸草皆生意
不獨豐年黍稌多

觀耕臺畔列千官迺遙嗟互鬱盤次第青箱分獻種
至尊一一霽顏看

拜舞週遭

翠幄開惟聲滿地動輕雷愚氓競效華封祝欲獻南山

尹文端公詩集

卷一

七

萬壽杯

細草回看

輦路明香塵不動午風輕田家景物歸

仙仗採入農書分外清

薄海均沾愷澤深還從無逸見

君心風行夏訪皆休助願奉

宸遊效矢音

臨雍詩十二章

三雍盛典肇西京觀聽圜橋紀永平今日車書同八表

垂衣景運倍文明

章天雲漢燦奎光門啓樞星俎豆香夾道松陰新鬱翠
重簷駕瓦煥離黃

泮宮爭看蒞鸞旂上已晴暉映德暉小大從公多吉藹
御爐香動曉風微

噦噦鏘鳴建羽儀翠旌迎處共恬熙欣傳聖道昌明日
正是重華格被時

宸章絢爛寫銀鈎贊化功能古莫儔不是

心源契堯舜焉知天地與同流

尹文端公詩集

卷一

六

無言盟獻達和誠玉豆雕邊設兩楹大樂從知臻善美

始終條理太和聲

黼座親繙玉笈開一時雲物親昭回講堂闡盡圖書秘

不藉崆峒訪道來

暮春上序景暄妍璧水無波藹瑞烟不獨雍容簪珮集

橋門弟子列三千

勛華盛世慶遭逢東序齊聞振鼓鐘

宮扇開時明雉尾章縫何幸覲

山龍

駿奔執豆荷

恩榮濟濟雲初取次行

錫賚有加踰往制歡聲傳徧魯諸生

霞蔚雲蒸士景從虞廷八伯盡歌風受恢珊網增新額

多少菁莪出泮宮

六卿分獻列鵷行得侍

鑒儀仰穆皇典禮告成文治洽簪毫同咏辟雍章

秋日過訪鄂休如步雨後韻

爐香近惹侍臣衣退食方從

尹文端公詩集

卷一

九

御苑歸堂上七分新果熟門前冷謝俗人稀花經宿雨

香還在山帶斜陽翠益飛欲去殷勤頻執手危欄曲徑

兩依依

恭和

御製南苑元韻

御路連雲迴

霓旌映日翔

勲華稱繼美

謨烈慶重光雪點千峯白霜侵衆草黃

上林親閱狩

闕殿肅焚香山氣迎朝爽松風送曉涼東西鳴畫角遠

近帶平梁總為承

先志非徒禮法王篤恭欽不顯錫福仰

惟皇念繫民依切心期物彙昌三軍瞻肅穆

一德格

穹蒼規制今尤備賢親世不忘太平歌有道率作戒無

荒

幃幄慚襄贊追隨效拜颺屢豐昭瑞應大有卜農祥善

尹文端公詩集

卷一

十

述猷彌遠覃敷澤正長武功文治洽宵旰凜幾康

悼亡

人世原同夢裏身思君無奈日傷神可憐桃柳爭妍日

獨對殘花泣暮春

孤身萬里憶當年冷雨淒風事黯然此味今番重領畧

悔教缺月又空圓

閭闔原推第一流宜家宜室最溫柔采繁人去中庭冷

兒女伶俜淚未收

天性由來篤孝思一身孤苦寸心知可憐撫枕呻吟日

還是金閨戀母時

岡阡指在海雲間千里迢迢一櫬還望斷鄉山勞遠目
孤魂何日度寒關

錦川無夢不依依灌掃松楸素願違泉下晨昏誰奉養
仗君替我侍庭幃

漏鼓聲沈小院西迴廊風細雨淒淒衣衫冷暖誰相問
獨擁紅爐聽曉雞

迷茫何處可招魂病眼摩挲漸欲昏退食歸來簾未捲
半窓斜月閉閒門

尹文端公詩集

卷一

主

月下晴光雨後天幽齋笑語想從前也知緣盡終分手

爭奈團圓只二年

粧奩雖在故香殘檢點空樓不忍看記得病中垂別淚

羅衣猶帶舊時瘢

口授新詩百首餘吟哦聲斷夜窓虛案頭手跡流塵掩

顛倒牙籤捲亂書

擬結新亭小院幽旁開一面倚河流他年縱有偷閒日

誰與看花作伴遊

七夕用李義山韻

何祇人間怨別離仙家亦有隔年期恰逢玉露初零淡

又是銀河欲渡時碧落無聲雲漠漠空階獨望漏遲遲

鵲橋不駕黃泉路泣對琴臺理斷絲

果是仙家好別離自應後會永無期何當兩岸重逢日

也有千金一刻時落月共悲分手速殊風猶恨隔年遲

那能復管人間事枉費高樓結綵絲

從古消魂是別離誰云聚散有常期卧聽烏鳥啼殘夜

笑指牽牛憶昔時七孔爭看針度早一鈎獨恨月圓遲

憐予點點新秋淚洒向西風滿素絲

尹文端公詩集

卷一

主

最是傷心永別離茫茫何處問佳期每當露白風清夜

更憶花殘葉落時銀漢無情偏斷隔巫山有夢尚稽遲

一年一度雙星會暗送流光鬢已絲

誌公寺道中

西風不斷霧漫天旅館連宵客未眠隱現巒光開倦眼

高低驛路苦行肩巖前古跡留千佛樹杪寒聲走百川

欲問談經何處是法臺石鼓說當年

早起有懷

一到雞鳴欲曙天遑遑欲去不成眠雲封岵岵頻回首

路出蠶叢未息肩游子所懷惟定省高堂有夢亦山川
金城河畔登樓日轉瞬於今又隔年

寄內

又是秋風暮雨天高堂近日可安眠馳驅莫怨頻分手
定省何時得並肩一自重雲遮劍閣幾回遠夢到秦川
老人念子如相問可說歸期似去年

敘州留別胡一山

岷峨回望水連山歷盡羊腸到八蠻細雨漫勞江上步
黃塵深愧客中顏東坡去後難忘國陶令歸時却掩關

尹文端公詩集

卷一

圭

不是皇華來萬里林蠻何自一躋攀

又和胡一山

細雨連朝聊駐馬漁簑重見舊詞臣蒼松白石輪清散
小徑黃花隔世塵自是無心隨野老可還有夢憶
楓宸與君江上分攜日記取秋風月一輪

行雲渺渺繫離思一出桃源洞已迷曲磴人登天上路
亂山時誦篋中詩蒹葭相憶知何處林壑來游可再期
回望汀洲田數畝閒情占盡讓君私

途中用思字韻又得二首

征途何事繫懷思一望蠻山眼欲迷曉夜幾回衝瘴雨
烟雲無限入新詩三秋好景都如幻九日黃花又過期

直北長安家萬里寸心深愧未忘私

怪石奇峰匪所思雲端直上路仍迷停驂暫傍新灘口
陟屺還吟舊歲詩野水無情同駛馬秦川有信問歸期
自來蹇蹇人臣職說到賢勞便是私

由箐口次雷波和許孝張韻

向晚還登亂石岡朦朧樹色雜青黃行人不耐泉聲苦
霖雨頻催馬足忙斷續籐橋橫瘴水高低蠻穴倚新篁

尹文端公詩集

卷一

西

雷波古寨歸流後一問當年一慘傷

曲曲洪流抱遠岡秌來草色遍山黃林深惡霧侵人冷
日暮哀猿喚子忙幾處懸厓遲倦馬何年小徑關叢篁
西南十里滇南境欲渡金沙意倍傷

九月望日渡江入滇南境

鳥道崎嶇了未曾橫流欲渡復何因茫茫問路疑前夢
簇簇迎舟認故人漲水平添連夜雨征衣又染過江塵
蠻天都被雲遮過不見峯頭月滿輪

金沙江紀行